

古今聲律定宮

本朝聲律定宮卷七

東陽葛 銘警堂

黃鐘真度黃鐘寸法

黃鐘周徑累積

黃鐘寸法

律呂正義黃鐘律分篇黃鐘之律有長與圍徑則有尺度有尺度然後數立焉黃鐘元聲原未絕於世而造律之尺獨難得其真隋志載歷代尺一十五等其後改革益甚至律呂新書所載之尺共二十餘種然尺者所以度律而黍者所以定尺古今尺度雖各不同而律之長短自不可更黍之大小又未嘗變故黃鐘之分參互相求而可得其真

也。宋李照以縱黍累尺，管容千七百三十黍，空徑三分，固失於大。胡瑗以橫黍累尺，管容千二百黍，空徑三分四厘六毫，亦非真度。通志載夏尺十寸，商尺十有二寸，周尺八寸，自三代而後，尺雖不一，大約長不踰商尺，短不減周尺。今黃鐘之長九寸，非夏尺之九寸，非商尺之九寸，亦非歷代諸尺之九寸，乃本造律度十分之九也。夫以夏尺、商尺之度，制為黃鐘之龠，其容受適於千二百黍，固不必言。嘗以今尺之八寸為周尺立法，其容黍又少數，更以今尺之八寸一分立法，乃恰合千二百黍之分。始知古聖人定黃鐘之律，蓋合九九天數之全，以立度，且驗之今尺，縱黍百

粒得十寸之全而橫黍百粒適當八寸一分之限明鄭世
子載埴律呂精義審度篇亦載橫黍百粒當縱黍八十一
粒又前漢志曰黃鐘之長以子穀秬黍中者一黍之廣度
之九十分黃鐘之長一為一分夫廣者橫之謂也九十分
為黃鐘之長則黃鐘為九十橫黍所累明矣以橫黍之度
比縱黍之度即古尺之比今尺以古尺之十寸即橫黍一百之度
為一率今尺之八寸一分即縱黍八十一之度為二率黃鐘古尺九
寸為三率推得四率七寸二分九厘即黃鐘今尺之度也
依今所定之尺造為黃鐘之律考之於聲既得其中實之
以黍又適合千二百之數然則八寸一分之尺豈非古人

造律之真度耶。

黃鐘圍徑冪積

蔡氏月令章句黃鐘之管徑三分圍九分。司馬氏光曰。徑三圍九。數家言其大要耳。若以密率言之。徑七分圍二十有二分也。

胡氏瑗曰。黃鐘律管每長一分。內實十三黍。又三分黍之一。圍中容九方分也。即面

性理大全魯齋彭氏曰。黃鐘律管有周有徑有面有冪。有空圍內積有縱長。如史記論縱長。律歷志論縱長及積。東漢鄭氏注月令論冪。東漢蔡氏月令章句論縱長。皆不易之

論獨周徑之說。漢以前俱無明文。漢律歷志開端未竟。東漢蔡氏始創為徑三分之說。晉孟氏以後諸儒續為徑三分。圓九分之說。宋胡氏蔡氏又為徑三分四厘六毫。圓十分三厘八毫之說。然考之於古。方圓周徑。竊積皆未有合。嘗依東漢蔡氏所言徑三分。以密率乘除。止得空圓內面。羅七分七厘奇。乃少一分九十二厘奇。空圓內積實止得六百三十六分奇。乃少一百七十三分奇。如此則黃鐘之管。母乃太狹。蓋黃鐘空積忽微。若徑內差一忽。即面竊及積所差。忽數至多。此東漢蔡氏之說。所以不合也。晉孟康諸儒言徑三分。圓九分。用徑一圓三之法。雖是古率。然以

密率推之徑一則圍三有奇假如徑七則圍當二十有二
今依孟氏所言徑三分則圍長當九分四厘二毫一秒強
不但止於九分也若依九分圍長之數則徑當止有二分
八厘六毫二秒六忽強又不及三分也此晉孟氏諸儒之
說所以不合也宋胡氏不主徑三圍九之說大意疑其管
狹耳然所言徑三分四厘六毫圍十分三厘八毫亦用徑
一圍三之率若依所言三分四厘六毫徑當得圍十分八
厘七毫六秒二忽強不但止於十分三厘八毫也若依十
分三厘八毫圍則徑只得三分三厘奇又不及三分四厘
六毫也此宋胡氏之說所以不合也宋蔡氏說徑圍分數

與胡氏同。至於算法用圓田術三分益一得一十二開方除之求徑。又以徑相乘以管長乘之用三分益一四分退一之法求冪積。今姑依其說以九方分平置又三分益一以三方分割置於九方分之外其積十二方分其縱橫可得三分四厘六毫強不盡二毫八絲四忽。如蔡氏之說但依此徑以密率相乘則空圓內面冪不但止得九方分乃得九方分零四十厘六十毫五十七秒十四忽奇。空圓內積實不但止得八百一十分乃得八百四十六分五百四十五厘一百四十二秒六百忽奇。如此則黃鐘之管母乃太大。細考之方內之圓所占者不止四分三圓內之方所

當退者又不及四分之一以知三分益一四分退一乃算家大約之法此宋蔡氏之說所以又不能盡合也今欲求黃鐘的實定數取此管九寸寸作十分分作十厘厘作十毫毫作十秒秒作十忽以合天地五位終於十之數乃以十乘八十一得八百一十分以八百一十分配九十分管長知此管長九十分空圍中容八百一十分即十分管長空圍中容九十分一分管長空圍中容九分乃以此管面空圍中所容九分以平方累面推之知一分有百厘厘有百毫毫有百秒秒有百忽積而計之九平方分通有面累九萬萬忽依密率乘除得圓周長十分六厘三毫六秒八忽萬

分忽之六千三百一十二。又以圓周求徑計三分三厘八毫四秒四忽萬分忽之五千六百四十五。又以半徑半周相乘仍得九萬萬忽內一忽弱。通得面幕九平方分也。既以周徑相乘復得面幕如此。則黃鐘之廣與長及空園內積實皆可計矣。故面幕計九方分深一分管則空園內當有九立方分深九十分管則空園內當有八百一十立方分。此即黃鐘一管之實其數與天地造化無不相合。此算法所以成也。算法既成之後或以竹或以銅別為之依其長作九十分乃取三分三厘八毫四秒四忽萬分忽之五千六百四十五以合空徑如此則園長面幕與夫空園內

積自然無不脗合。特徑數自入毫以下，非可細分，而算法積忽與秒，不容不然耳。

古樂經傳曰：

李氏光地著

彭氏之算，庶幾得之。秒忽之下，有不

盡之分，則亦無形之可紀也。蓋方體之積十四，則內容之圓，其積十一，故知益一退一之法，為古人疎率。以積求周者，置積為實，以八十八乘之，以七除之，平方開之，以周求徑者，置周為實，以徑法七因之，以周法二十二除之，以周徑求積者，置周折半為實，以徑折半為法乘之。此彭氏之說也。若以積求徑，則置積為實，以十四乘之，以十一除之，平方開之，以徑求周，則置徑為實，以周法二十二乘之，以

徑法七除之其所得之數亦皆符合

律呂正義定黃鐘縱長體積周徑面冪篇律呂新書曰黃鐘長九寸空圍九分言圓方積九方分也積八百一十分夫有縱長有體積則面冪周徑自可得而考矣漢蔡邕晉孟康吳韋昭皆主徑三圍九以今所定比例四率法求之得面冪六分七十五厘平方定位法百厘成分百分成寸以長九十分乘之得積體六百零七分五百厘立方定位法千厘成分千分成寸比之八百一十分母乃太少宋胡瑗蔡元定主徑三分四厘六毫用定率求之得面冪九分三十九厘三十九毫以長九十分乘之得體積八百四十五分四百五十一厘比之八百一十分則

又過之惟劉宋祖冲之密率求得徑三分三厘八毫四絲四忽面幕八分九十九厘九十七毫有奇其數為近但其法以周率二十二四之猶用圓田術三分益一起算故小餘猶未密耳夫執一說而不參互相求則於理有遺參互相求而不周密法比例則於數有遺今置黃鐘古尺積八百一十分以九十分歸之得面幕九方分用比例四率相求表內面線相等面積不同為比例以圓面積一十萬為一率方面積一十二萬七千三百二十四為二率今面幕九方分為三率推得四率一十一分四十五厘九十毫為圓面幕經線相等正方面積以開平方得三分三厘八毫

五絲一忽乃黃鐘古尺之徑數也求周則以周徑相求定
數為比例以徑一百一十三為一率周三百五十五為二
率今徑三分三厘八毫五絲一忽為三率推得四率十分
零六厘三毫四絲六忽為黃鐘古尺之內周數也較以時
尺則黃鐘古尺之積比今尺之積即古尺自乘再乘之數
比今尺自乘再乘之數因體積相比故用自乘再乘以古尺一百分自
乘再乘得一百萬分為一率今尺八十一分自乘再乘得
五十三萬一千四百四十一分為二率黃鐘古尺積八百
一十分為三率推得四率四百三十分四百六十七厘二
百一十毫乃黃鐘今尺之積也如求面竅則以今尺長七

寸二分九厘歸之得面幂五分九十厘四十九毫如法求徑得二分七厘四毫一絲九忽是為黃鐘今尺之徑數古尺今尺參互相求莫不符契始為立法之密而於理數無遺也

黃鐘之徑

古尺三分三厘八毫五絲一忽

黃鐘之圍

古尺十分六厘三毫四絲六忽

黃鐘之幂

古尺九方分

黃鐘之積

古尺八百一十分

吳氏鼐曰黃鐘長九寸空圍九分則鄭蔡之說是也長九十分容千二百黍漢志之說而宋史宗之也積八百一十

分亦漢志之說而蔡氏宗之也。駁徑三圍九則溫公是也。以空圍九分為九方分者則胡安定之說也。徑三三八五周一零六三則正義之說是也。聚古人算律之言參差不一者斷案精鑿則彭氏也。合古尺今尺比例而得黃鐘真度者正義也。此義明而諸家疑似之說可剖而斷矣。

十二律真度律呂之長
律呂之積
律呂之容

律呂之長

律呂正義定律呂之長損益相生篇律呂新書言黃鐘九寸寸作十分為九十分又言黃鐘九寸寸作九分為八十分一分夫九十分乃黃鐘之正數而八十一分原於管子絃音五聲度分史記淮南子遂以為管音度分新書雖兼取之而九寸之說實不可易但尺度不明則執九寸之說亦不能無失故定律呂之長必以古尺通之今尺比例推求然後真數可得蓋古尺之度為數多今尺之度為數少數多者橫黍之所生數少者縱黍之所累數之多少雖異而

管之長短則同。今尺之七寸二分九厘。正古尺之九寸也。至於仲呂所生之變黃鐘。雖不及黃鐘一分上下。而其數仍與黃鐘相近。不得自成一律。其聲亦與黃鐘相近。不能自成一音。細繹其理。損益之間。數有消長。亦如氣盈朔虛之有閏分。此古人所為以律呂配十二月也。古尺十寸當今尺為七寸二分九厘也。於古尺律呂之長以十起分。

黃鐘九寸

林鐘六寸

太簇八寸

南呂五寸三分三厘三毫三絲三忽三微三纖有奇
姑洗七寸一分一厘一毫一絲一忽一微一纖有奇
應鍾四寸七分四厘。七絲四忽。七纖有奇
蕤賓六寸三分二厘。九絲八忽七微六纖有奇
大呂八寸四分二厘七毫九絲八忽三微五纖有奇
夷則五寸六分一厘八毫六絲五忽五微六纖有奇
夾鍾七寸四分九厘一毫五絲四忽。九纖有奇
無射四寸九分九厘四毫三絲六忽。六纖有奇
仲呂六寸六分五厘九毫一絲四忽七微四纖有奇
今尺律呂之長以十起分

黃鐘七寸二分九厘
林鐘四寸八分六厘
太簇六寸四分八厘
南呂四寸三分二厘
姑洗五寸七分六厘
應鐘三寸八分四厘
蕤賓五寸一分二厘
大呂六寸八分二厘六毫六絲六忽六微六纖有奇
夷則四寸五分五厘一毫一絲一忽一微一纖有奇
夾鐘六寸。六厘八毫一絲四忽八微一纖有奇

無射四寸。。四厘五毫四絲三忽二微有奇

仲呂五寸三分九厘三毫九絲。。九微四纖有奇

律呂之積

律呂正義定律呂之積損益相生篇古今尺度不同則縱長圓徑因之而積實之數亦異必考核古今積數之異而驗以容受之同然後律呂之真分可辨也夫製管取聲皆由於積實則十一律呂之積宜與黃鐘並詳而言律者多未及焉蓋因其所定律呂之長與面竅相乘積數有未合耳律呂以九起數而竅以十起數故有未合不知制樂之法皆以積數倍之或加四倍或加八倍或加至十數倍及其用也若積少一分

四倍則差四分八倍則差八分積少九分四倍則差三十分六分八倍則差七十二分蓋音聲之發正在中容積實多寡毫厘之際而可因其奇零而遂畧之耶

古尺律呂之積

黃鐘八百一十分

林鐘五百四十分

太簇七百二十分

南呂四百八十分

姑洗六百四十分

應鐘四百二十六分 六百六十六厘六百六十六毫有奇

蕤賓五百六十八分八百八十八厘八百八十八毫有奇
大呂七百五十八分五百一十八厘五百一十八毫有奇
夷則五百零五分六百七十九厘零一十二毫有奇

夾鐘六百七十四分二百三十八厘六百八十三毫有奇
無射四百四十九分四百九十二厘四百五十五毫有奇
仲呂五百九十九分三百二十三厘二百七十三毫有奇

今尺律呂之積

黃四百三十分四百六十七厘二百一十毫

林二百八十六分九百七十八厘一百四十毫

太三百八十二分六百三十七厘五百二十毫

南二百五十五分九十一厘六百八十毫
姑三百四十分一百二十二厘二百四十毫
應二百二十六分七百四十八厘一百六十毫
蕤三百零二分三百三十厘八百八十毫
大四百零三分一百零七厘八百四十毫
夷二百六十八分七百三十八厘五百六十毫
夾三百五十八分三百一十八厘零八十毫
無二百三十八分八百七十八厘七百二十毫
仲三百一十八分五百零四厘九百六十毫

律呂之容

律呂正義黃鍾之龠積八百一十分容千二百黍蓋所積
之分方分也所容之黍圓粒也以方分度圓粒則必有空
隙故合八百一十分之方適容千二百黍之圓乃為虛實
相應之準則焉然十一律呂之管皆生於黃鍾而論者亦
只及黃鍾之容其他俱未載夫積分猶恐虛數之難憑而
容粒則有實黍之可證故容黍之分亦當用三分損益以
核之也蓋體積雖有古今尺度之殊而容黍則一故古人
制律既有積分以驗實體又有容受以驗積分所以互相
比較務得律呂之真度耳因並著其數俾觀者得取衷焉
古尺今尺律呂之容

凡餘分過大半者進一黍不及半者不計

黃鐘千二百黍

林鐘八百黍

太簇一千零六十七黍

南呂七百一十一黍

姑洗九百四十八黍

應鐘六百三十二黍

蕤賓八百四十三黍

大呂一千一百二十四黍

夷則七百四十九黍

夾鐘九百九十九黍

無射六百六十六泰
仲呂八百八十八泰

編鐘律

律呂正義大抵鐘之形制外體宜同猶律呂管徑之相同也定黃鐘之鐘取其厚薄比驗中容之積以為準次自大呂以下遞減其容積俾由濁而漸清又遞減其容則不得不遞增其厚聲之大者其體薄惟體薄則中空大而容受多也聲之細者其體厚則中空小而容受少也猶律呂管簫之有長短也今約其法以為制鐘之準亦必本於黃鐘之律先定其中空容積之度分次考其實體之厚薄與鈞兩之重輕再較其聲音倍半之所應復度以三分損益之相差而後鐘體之制可言也定其中空容積者何法以黃

鐘之積為本。倍以五百一十二。命黃鐘八倍之。為六十四。
得積若干。然編鐘之制。中腰大而上下小。上下同徑。如仍
以黃鐘之度為中腰大徑。則上下徑所得度分大小。而形
體不稱。惟以大呂之度為中腰大徑。則上下徑所得度分
適合於宜。而形制稱焉。大呂之度六寸八分二厘六毫考其實體之厚薄
與鈞兩之重輕者何。一則以黃鐘之積較其體。一則以黃
鐘之容黍較其量。或自體而得其重。或因重而成其體。務
使二者合一。始為立法之密焉。較其聲音倍半之所應者
何。既定中空容積之度分。又得實體重輕之銖兩。依制而
鑄一鐘。審其音。正應黃鐘之律。復制倍體以較其聲。此倍

體非中空容積之倍乃實體重輕厚薄之倍其形模外範初未嘗異也依此倍體而制一鐘審其音亦應黃鐘清聲之律夫管律正為濁而半為清鐘律正為濁而倍反為清倍半之為用不同而清濁生聲之理亦異斯又管律鐘律之宜晰者矣此正國語重者從細輕者從大之說也度以三分損益之相差者何既得正體與倍體其間十二聲音之準一取法乎此以鈞兩之重輕而三分損益之則自倍體而漸減至正體或自正體而漸加至倍體以度分之厚薄而損益之則自厚體而漸損至薄體或自薄體而漸益至厚體總之不越三分損益之理焉夫鐘體三分損益之

法一如律呂。但律呂自長而生短聲，由濁而漸清。鐘律自厚而生薄聲，反自清而漸濁。故自正體計之，實自薄而漸厚，亦由濁而漸清也。是故編鐘之一十有六，外形皆同一制，其外高皆七寸四分，四厘九毫，外皮中徑皆七寸一分四厘六毫，外上下徑皆五寸零三厘九毫，其內高中徑上頂下口之度分與夫中空容積之多寡，實體之厚薄，鈞兩之重輕，俱詳載其數列表於左。俾後世有所依據，爰以制器而考聲焉。

倍夷則之鐘

倍者非言鐘之倍體，乃聲應倍律倍呂之鐘也。故列於黃鐘之前。

內高七寸三分一厘六毫七絲

中徑六寸八分八厘

零一絲 上頂下口內徑俱四寸七分七厘三毫一絲
中容積二百二十五寸一十六分七百五十五厘八
百四十毫 體厚一分三厘三毫 重一百七十九兩
七錢

倍南呂之鐘

內高七寸三分零七毫七絲 中徑六寸八分六厘二
毫一絲 上頂下口內徑俱四寸七分五厘五毫一絲
中容積二百二十三寸四百分三十三分三百一十一厘
六百八十毫 體厚一分四厘二毫 重一百九十二
兩

倍無射之鐘

內高七寸三分零一絲 中徑六寸八分四厘六毫九絲 上頂下口內徑俱四寸七分三厘九毫九絲 中容積二百二十二寸一百五十分二百一十一厘二百毫 體厚一分四厘九毫六絲 重二百零二兩二錢 倍應鐘之鐘

內高七寸二分九厘二毫一絲 中徑六寸八分三厘零九絲 上頂下口內徑俱四寸七分二厘三毫九絲 中容積二百一十寸七百七十分二十三厘四十毫 體厚一分五厘七毫六絲 重二百一十三兩

黃鐘之鐘

內高七寸二分九厘 中徑六寸八分二厘六毫六絲
上頂下口內徑俱四寸七分一厘九毫六絲 中容
積二百二十寸三百九十九分二百一十一厘五百二
十毫 體厚一分五厘九毫八絲 重二百一十六兩
大呂之鐘

內高七寸二分八厘一毫四絲 中徑六寸八分零九
毫五絲 上頂下口內徑俱四寸七分零二毫五絲
中容積二百一十八寸九百二十五分三百四十八厘
四百八十毫 體厚一分六厘八毫三絲 重二百二

十七兩五錢

太簇之鐘

內高七寸二分七厘二毫四絲 中徑六寸七分九厘一毫四絲 上頂下口內徑俱四寸六分八厘四毫四絲 中容積二百一十七寸三百七十二分六百三十六厘八百毫 體厚一分七厘七毫三絲 重二百三十九兩七錢

夾鐘之鐘

內高七寸二分六厘零四絲 中徑六寸七分六厘七毫四絲 上頂下口內徑俱四寸六分六厘零四絲

中容積二百一十五寸二百九十七分三百七十七厘
九百二十毫 體厚一分八厘九毫三絲 重二百五
十六兩

姑洗之鐘

內高七寸二分五厘零二絲 中徑六寸七分四厘七
毫一絲 上頂下口內徑俱四寸六分四厘零一絲
中容積二百一十三寸五百五十分五百七十七厘二
百八十毫 體厚一分九厘九毫五絲 重二百六十
九兩六錢

仲呂之鐘

內高七寸二分三厘六毫七絲 中徑六寸七分二厘
上頂下口內徑俱四寸六分一厘三毫 中容積二
百一十一寸二百一十五分九百一十一厘四十毫
體厚二分一厘三毫 重二百八十八兩

蕤賓之鐘

內高七寸二分二厘五毫三絲 中徑六寸六分九厘
七毫二絲 上頂下口內徑俱四寸五分九厘零二絲
中容積二百零九寸二百五十分七百六十厘三百
二十毫 體厚二分二厘四毫四絲 重三百零三兩
四錢

林鐘之鐘

內高七寸二分一厘六毫五絲 中徑六寸六分七厘
九毫六絲 上頂下口內徑俱四寸五分七厘二毫六
絲 中容積二百零七寸七百二十九分二百零八厘
八百八十八毫 體厚二分三厘三毫二絲 重三百
一十五兩三錢

夷則之鐘

內高七寸二分一厘三毫三絲 中徑六寸六分七厘
三毫二絲 上頂下口內徑俱四寸五分六厘六毫二
絲 中容積二百零七寸一百八十分四百七十八厘

八十毫 體厚二分三厘六毫四絲 重三百一十九兩六錢

南呂之鐘

內高七寸一分九厘七毫二絲 中徑六寸六分四厘一毫一絲 上頂下口內徑俱四寸五分三厘四毫一絲 中容積二百零四寸四百一十三分四百六十六厘二百四十毫 體厚二分五厘二毫五絲 重三百四十一兩三錢

無射之鐘

內高七寸一分八厘三毫七絲 中徑六寸六分一厘

四毫一絲 上頂下口內徑俱四寸五分零七毫一絲
中容積二百零二寸八十四分三百九十八厘七百
二十毫 體厚二分六厘六毫 重三百五十九兩五
錢

應鐘之鐘

內高七寸一分六厘五毫七絲 中徑六寸五分七厘
八毫 上頂下口內徑俱四寸四分七厘一毫 中容
積一百九十八寸九百七十一分五百一十厘四百毫
體厚二分八厘四毫 重三百八十四兩

編磬律

律呂正義今取考工記博一股二鼓三之說依律呂損益之法而定制一則以黃鐘之律為本使各磬大小一制一則按十二律呂上下相生之制而為各磬之厚薄彼鼓長至二尺七寸者為黃鐘之特磬矣今半之為一尺三寸五分則股為九寸鼓博則四寸五分是制似與范鎮所論同然范制近代時尺之度而此九寸則宜為古尺之度即今尺之七寸二分九厘也以今尺之度言之則股為七寸二分九厘鼓為一尺零九分三厘五毫股博為五寸四分六厘七毫五絲鼓博則為三寸六分四厘五毫此依黃鐘之

律而起度如此。以此一制為準。而十六磬之股。博鼓廣。務使皆同。然後較其清濁。而度以厚薄焉。如考工記三分鼓博。以其一為厚。則今制之鼓博三寸六分四厘五毫三分之。而用其一。則為一寸二分一厘五毫。然未知此一寸二分一厘五毫之厚。為應黃鐘之一磬乎。抑編磬之一十有六皆同此一制乎。在周禮獨載此一磬之厚。而未明其清濁適當何聲。又不識當日審音定制時。分音於長短乎。抑分音於厚薄乎。及試以石音諸器。每不分於長短。而分於厚薄。其分於厚薄。仍得倍半相應。同聲而有清濁之分。因知石之體堅。而取音有其準矣。至於考工記之已上則摩

其旁已下則摩其端之語。不過遷就其忽微清濁已耳。要之一聲之上下不能晰也。是以制磬之法。既以黃鐘之律為之本。或用其全。或用其半。或用其倍。以定其股。搏。股。廣之度分。而使十六磬大小長短一制。然後以黃鐘之律定一磬之厚為之準。如黃鐘今尺七寸二分九厘。則用其十分之一七分二厘九毫。以為一磬之厚。審其音與黃鐘之律相應。乃以此度倍之。得一寸四分五厘八毫。復為一磬之厚。審其音必與前七分二厘九毫之磬同聲。為一音之清濁。得此一音之清濁相應。乃自清音之磬依律呂三分損益之法上下生之。則十二磬之厚薄以次皆得。十二磬

之厚薄既定乃加二變體之分以為清濁二均七聲之準復於十四分內取其最清音四磬之厚而各半之為最濁音四磬之度而十四分內最清二音在所不用於是十六磬之制全爰以配排簫之十六管而與編鐘並列為雅樂焉

倍夷則之磬 六分零六毫八絲

倍南呂之磬 六分四厘八毫

倍無射之磬 六分八厘二毫八絲

倍應鐘之磬 七分一厘九毫一絲

黃鐘之磬 七分二厘九毫

大呂之磬七分六厘八毫

太簇之磬八分零九毫

夾鐘之磬八分六厘四毫

姑洗之磬九分一厘零二絲

仲呂之磬九分七厘二毫

蕤賓之磬一寸零二厘四毫

林鐘之磬一寸零六厘四毫

夷則之磬一寸零七厘八毫七絲

南呂之磬一寸一分五厘二毫

無射之磬一寸二分一厘三毫六絲

應鐘之磬一寸二分九厘六毫

本朝聲律定宮卷八

東陽葛 銘警堂

琴旨

一以五聲數論琴說 一絃尚徽說 三絃獨下
疑說 泛音四準說 半徽說 釋仲呂為角之
宮轉調說 案聲散聲相和說 旋

以五聲數論琴說

王氏坦琴旨

王素堂名坦通州人精於琴著琴旨三萬言

以五聲數論琴說夫

古人審定八音各從其類匏竹較以度之長短土較以量之多寡金石較以權衡之輕重革木止一聲為衆樂之節奏其體制大小悉以律呂為準至於絲則絲綸有巨細徽柱有短長必以五聲之數為較定後世竹樂以律呂相較

絲樂亦以律呂相較或以律呂名調。以徵調為蕤賓調以角調為姑洗調是也或以律呂名絃。宋姜夔七絃琴說黃鍾大呂並用慢角調故於大絃十一徽應三絃散聲云云是也或以律呂名徽。明張石梁太古琴經以十二徽象十二月第七徽象閏是也紛紛聚訟訖無定說。孟子曰：不以六律不能正五音。蓋以六律六呂三分損益隔八相生之理。正此五音也。何嘗以六律六呂為此調。此絃此徽之本乎。絲樂絃音其體本實。故絲綸巨細得數之多寡。徽分短長得數之疎密。必較以五聲之數。以其聲之數定其絲綸多寡之數為之體。以其聲之數定其徽分疎密之數為之用。此較定絃音一定之理也。琴雖七絃止有宮商角徵羽五正聲得為用。巨絃數多以五聲

數之多者主之。細絃數少。以五聲數之少者主之。烏可以黃鐘之九寸。太簇之八寸為準耶。自古原以五聲數論絃音。故相傳有宮商角徵羽。少宮少商之名。夫絃數多寡。既以五聲數為準。則徵分疎密。亦當以五聲數較之也。明矣。

一絃尚徵說

琴旨一絃尚徵說。一絃為宮。世傳其說久矣。蓋緣國語大不踰宮。細不過羽之論也。後世以此二語推之。遂謂二絃商。三絃角。四絃徵。五絃羽。六絃少宮。七絃少商。其說雖近自然。而不知實失古人作樂之旨。細案五音相生之序。三分損益之法。而知一絃尚徵焉。宮生徵。徵生商。商生羽。羽

生角。宮損一分下生。生徵。益一分上生。亦生徵。宮之八十一。三分損一。則為五十四之徵。徵三分益一。則為七十二之商。商三分損一。則為四十八之羽。羽三分益一。則為六十四之角。又如宮之八十一。三分益一。則為一百有八之倍徵。倍徵三分損一。則仍為七十二之商。商三分益一。則為九十六之倍羽。倍羽三分損一。則仍為六十四之角。是相生之音五。而相生之數七。古聖王立法。上下相生。損益並用。故琴絃一定有七也。一絃倍徵。二絃倍羽。三絃宮。四絃商。五絃角。六絃徵。七絃羽。凡此七絃。得五聲自然之至理。若以一絃為宮。豈能窮律呂貫通之妙哉。白虎通曰。八

音法易八卦絲離音也。盛德在火其音徵。一絃尚徵不益信哉。

三絃獨下一徽說

琴旨三絃獨下一徽說。宋姜夔七絃琴圖說曰。七絃於第十徽間一絃取應聲。惟大絃獨退一徽。於十一徽應三絃散聲。古今無知之者。竊謂黃鐘大呂並用慢角調。故於大絃十一徽應三絃散聲。太簇夾鐘並用清商調。故於二絃十徽應四絃散聲。姑洗仲呂蕤賓並用宮調。故於三絃十徽應五絃散聲。林鐘夷則並用慢宮調。故於四絃十徽應六絃散聲。南呂無射應鐘並用蕤賓調。故於五絃十徽應

七絃散聲以律長短配絃大小各有其序愚謂斯言蓋泥於律呂長短之說而未以絃度之五聲數詳核之也按管子曰凡將起五音凡首先主一而三之四開以合九九以是生黃鐘小素之首以成宮三之三因也四開四分也九九八十一也素者漚白練乃熟絲即絃也小素即小絃也謂將起五音以倍徵一絃之全度百有三因之得三倍復四分爲八十一宮位之度其絃之小於一絃者與此度之聲相應得宮聲因宮爲聲之始而以此度爲起音之首耳以五聲數細較之則按一絃之十徽而應乎三絃之散聲。自註云如琴之全度三尺六寸自岳山至四徽爲九寸。

至七徽為一尺八寸至十徽為二尺七寸至焦尾為三尺六寸以三尺六寸而三因之則為一丈零八寸以一丈零八寸而四分之則為二尺七寸適在十徽之位與一絃之一百有八三因而四分之得八十一之數正相合也十徽係常用之位得本絃相和之音與本絃與九徽相和之音同審音者知九徽乃本絃相生得我生之聲而相和若於十徽自全度損益相生皆不能及予細審所以與本絃相和者乃生本絃之聲故爾也十徽為全度四分之三三分益一則為四分是十徽之位生全度散聲得生我之聲故亦相和也管子用三其實而四其法以核之自得生我之

聲即司馬氏律書四其實或倍其實而三其法以得我生之數之理也。古人審音之密取法之簡便其妙如此。蓋倍徵之一絃其全度計一百有八分三因之則為三百二十四以三百二十四而四分之則為八十一一絃十徽即宮聲八十一之分而三絃全度亦宮聲八十一之分故一絃十徽應三絃散聲也。夫一絃屬徵既得生徵之宮於十徽以應乎三絃之散聲則餘絃自當以五聲數用三因四分之法較之而三絃獨下一徽之理自明矣。故以倍羽二絃全數九十六分而三因之則為二百八十八以二百八十八而四分之則為七十二矣。二絃十徽即商聲七十二

之分而四絃全度亦商聲七十二之分故二絃十徽應四絃散聲也以商聲四絃全度七十二分而三因之則為二百一十六以二百一十六而四分之則為五十四矣四絃十徽即徵聲五十四之分而六絃全度亦徵聲五十四之分故四絃十徽應六絃散聲也以角聲五絃全度六十四分而三因之則為一百九十二以一百九十二而四分之則為四十八矣五絃十徽即羽聲四十八之分而七絃全度亦羽聲四十八之分故五絃十徽應七絃散聲也以上各絃俱案十徽而與散聲應惟三絃則獨案十一徽以應五絃之散聲者非有他也亦就三絃之分數與五絃之全

度相較而得之耳。蓋宮聲三絃之全度本八十一分三因之則為二百四十三。以二百四十三而四分之則為六十七零七五。夫三絃之十徽固六十零七五之分矣。註十徽為位。如一絃徵十徽宮所生也。二絃羽十徽商所生也。四絃商十徽徵所生也。五絃角十徽羽所生也。三絃為宮無生宮之聲故三絃十徽六十零七五之分非案聲之位。而五絃之全度則為角聲六十四之分。必案乎三絃角聲六十四之分始克應乎五絃之全度也。而三絃角聲六十四之分實在十一徽。此三絃之所以獨下一徽以應五絃之散聲者也。

五絃獨上半徽說

琴旨五絃獨上半徽說五絃獨上半徽古今未有論及者。

大抵調琴必於十徽九徽審音之高下為定絃之規如散扣七絃亦間一絃而於五絃按十徽以取應聲者有間二絃而於四絃按九徽以取應聲者一散一按次第定絃以至於一絃而絃胥定矣三絃之按十一徽常及用也五絃之按八徽半不及用也蓋散扣內之細絃按彈外之巨絃五聲之數固相和三絃為八十一之分一絃十徽亦八十二之分而按彈內之細絃散扣外之巨絃細絃按聲適合亦七十分而按彈內之細絃散扣外之巨絃細絃按聲適合巨絃散聲之倍數亦相和也七絃十徽為三十六之分乃商聲之正七絃九徽為三十二之分乃角聲之半應四絃七十二商聲之正七絃九徽為三十二之分乃角聲之半應五絃六十四角聲之正七絃九徽為三十二之分乃角聲之半應六律對半律言亦為倍也試言之七絃十徽應四絃散聲六絃十徽應

三絃散聲五絃十徽應二絃散聲四絃十徽應一絃散聲
此十徽按絃應散聲之倍數也。三絃按十一徽亦不及用矣七絃九徽
應五絃散聲六絃九徽應四絃散聲四絃九徽應二絃散
聲三絃九徽應一絃散聲此九徽按絃應散聲之倍數也
惟五絃獨上半徽以應三絃之散聲何也三絃和五絃散
聲必下一徽則五絃和三絃散聲亦必上半徽也。十徽至
度短九徽至八徽度長上半徽
之度與下一徽之度長短適合夫十徽之分為全度四分
之三以全度散聲為四分三分而益一分為四分則十徽
之分生全度散聲。三分而損一分則為二分則十徽之分
又生七徽之分矣七徽乃全度之半其
理同獨三絃之十徽無按聲之位者即五音相生始於宮

之理宮為君聲不能有生宮之聲三絃為宮故三絃之十徽無按聲之位必下一徽始應五絃散聲既用管子生音之法核之矣若九徽之分為全度三分之二以全度散聲為三分三分而去一分為二分則全度散聲生九徽之分獨五絃之九徽無按聲之位者即五音相生終於角之理琴止用五正聲角生變聲而不能生正聲五絃為角故五絃之九徽無按聲之位必上半徽始應三絃散聲是當用五音相生之法核之也何也九徽之五聲皆本絃相生之聲九徽為全度三分去一之位則各絃之聲不皆三分去一而得相生之聲哉即如七絃羽聲羽生角也九徽乃三

十二角聲之半故應五絃角之散聲六絃徵聲徵生商也
九徽乃三十六商聲之半故應四絃商之散聲四絃商聲
商生羽也九徽乃四十八之羽位故應二絃倍羽之散聲
三絃宮聲宮生徵也九徽乃五十四之徵位故應一絃倍
徵之散聲至於五絃角聲角生變宮九徽乃四十二六六
係變宮之位變宮本無聲以相和也散
絲樂止用五聲之正
二變雖有其位而不
用須知五絃既應以三絃而三絃固宮聲也宮必以宮相
應而惟五絃四十零五宮聲之半位實在八徽半此五絃
之所以獨上半徽以應三絃宮之散聲也

釋仲呂為角之疑說

琴旨釋黃鐘均以仲呂為角之疑說朱子琴律曰古之為樂者通用三分損益隔八相生之法若以黃鐘為宮則姑洗之為角有不可以毫髮差者而今世琴家獨以律呂仲為黃鐘之角故於衆樂常高一律惟第三絃本是角聲乃得守其舊而不變流傳既久雖不知其所自來然聽以心耳亦知非人力所能為也昔人亦有為之說者皆無足取近世惟長樂王氏之書所言禮樂最為近古然其說琴亦但以第三絃為律中仲呂而不言其所以然予用是益以為疑愚謂朱子此言亦以一絃為宮耳其意曰一絃為宮則第三絃為角一絃之宮定為黃鐘則第三絃之角必定為

姑洗。夫一絃為黃鐘。其十徽乃仲呂之位。不當應三絃。姑洗之角。自註云。下準焦尾至七徽之絃度。合十二律呂之位。如散聲為黃鐘。則十三徽六分為大呂。十三徽一分為太簇。十二徽二分為夾鐘。十一徽八分為姑洗。十徽為仲呂。九徽四分為蕤賓。九徽為林鐘。八徽半為夷則。七徽九分為南呂。七徽六分為無射。七徽三分為應鐘。七徽亦為黃鐘。與散聲相同也。琴只用五正聲。律呂得相合為用者。黃太姑林南五聲而已。其餘俱不得為用。故不可較以十二律呂。只以五聲之數考之。最為簡便。似與律呂相生之理不能合。故有此疑也。夫以一絃全度散聲為黃鐘。

宮上生九徽之林鐘徵以應四絃散聲林鐘徵下生十三徽之太簇商以應二絃散聲太簇商上生八徽之南呂羽以應五絃散聲而南呂羽下生十一徽之姑洗角獨不應三絃散聲其應三絃散聲者乃在十徽之仲呂角是可疑矣殊不知一絃實非宮分本屬徵也三絃之為角分者乃宮也惟以一絃全度散聲為林鐘徵上生九徽之太簇商而應四絃散聲太簇商下生十三徽之南呂羽而應二絃散聲南呂羽上生八徽之姑洗角而應五絃散聲姑洗角下生十一徽之應鐘變宮為不用之位變宮無散聲相應雖有其位而不用故不應三絃散聲也應夫三絃散聲者乃十徽之黃鐘宮

也。蓋朱子以律呂之長短用三分損益之法相較。故無由得其所以然之理。若以五聲之位得絃度之長短。用三分損益之法相較。則知一絃為徵。三絃為宮。而絃音與徽分皆得應和。自與律呂相生之理相合矣。如絃度之十徽。乃全度四分之三。三分益一分而為四分。則十徽之絃生全度之散聲也。夫五音相生。宮為聲之始。無聲以生宮也。衆絃於十徽有聲為用。皆生散聲者也。惟三絃於十徽無聲為用。因三絃為宮。故十徽無聲以生之也。此三絃為宮之至理。知三絃之屬宮。則知一絃六絃屬徵。二絃七絃屬羽。四絃屬商。五絃屬角矣。一絃屬徵。則一絃之十一徽。非姑

洗角位乃應鍾變宮之位也。自不應三絃散聲其十徽非仲呂角位乃黃鍾之宮位也。自應三絃散聲矣。三絃屬宮則三絃之十徽乃仲呂角位。自不應五絃散聲其十一徽乃姑洗角位。自應五絃散聲矣。然則論琴者惟以絃度之長短較以五聲自然得其要而有合於管子徵羽之數大於宮與白虎通一絃尚徵之說也。

泛音四準說

琴旨泛音四準說。泛音不假按抑得自然之聲。雖與實音稍異。要不外乎五聲二變之理。蓋實音有三準。每準之內不論當徽不當徽。但遇五聲二變度分俱可按其度分而

得聲也。至於泛音，則當為四準。每準之內，必於徽間始有聲。否則無聲。大抵泛音之取音，以七徽居中為界。劃七徽上至岳山，下至焦尾，分而為二。實音俱自岳山一邊而出。泛音以指浮絃上，則徽之上下皆為震動，皆有聲出。去岳山遠，則聲低而濁；近則聲高而清。高而清之聲既出，低而濁之聲自不能出矣。如六徽至一徽，在七徽之上，得聲之清，所出五聲二變度分之聲，與實音相同。八徽至十三徽，在七徽之下，得聲之濁，合諸五聲二變度分，不能出聲。所出之聲，乃從焦尾至各徽而出，不能與實音相同。故七徽上下必判而為二。七徽之上四徽至七徽為上，之下準一

徽至四徽為上之上準七徽之下十徽至七徽為下之上準十三徽至十徽為下之下準此泛音之四準與實音之得聲自有分別也

案聲散聲相和說

琴旨按聲散聲相和說鼓宮宮應彈角角動音相準也故徽分之位恒與散聲相和向來註譜之家類多錯認分數斯律之能協者寡矣茲特以絃度五聲之數較定徽分於後而兩言以該之曰按彈外散扣內按彈內散扣外試以按彈外散扣內言之間四絃者按七徽間三絃者二絃則按七徽六分一絃三絃則按七徽九分間兩絃者按九徽

間一絃者各絃俱按十徽惟三絃按十徽八分兩絃相連者二絃五絃則按十二徽二分一絃三絃四絃六絃則按十三徽一分此皆按彈外散扣內也皆正聲之相和者也以按彈內散扣外言之間四絃者亦按七徽兩絃相連者二絃四絃五絃七絃則按七徽六分三絃六絃則按七徽九分間一絃者惟五絃按八徽半餘絃俱按九徽間兩絃者按十徽間三絃者五絃七絃則按十二徽二分六絃則按十三徽一分此皆按彈內散扣外也皆倍聲之相和者也至七徽為正聲之半和以正聲之倍亦按彈內散扣外此則倍聲之倍之相和者也其有不相和而實可和者乃

相生之聲相和亦必案彈內散扣外如案彈外散扣內雖亦得相生之位而聲
音非外不可為用間兩絃者案七徽如案彈七絃羽聲應散扣四
彈六絃徵聲應散扣三絃宮聲宮生徵而相和也餘可類推。此俱散聲生案聲也若案聲生散聲音雖不乖并諧
亦不用間三絃者五絃七絃則案七徽六分六絃則案七徽
九分間四絃者案九徽兩絃相連者二絃四絃五絃七絃
則案十徽三絃六絃則案十徽八分蓋三絃十徽八分之
位為角應二絃羽自當案十徽八分至於六絃原不當案
十徽八分之位所以案之者因六絃十徽之位為宮不與
五絃角相和惟十徽八分為變宮之位與五絃角聲相生
而相和故案之耳間一絃者惟五絃案十二徽二分餘絃

俱案十三徽一分。夫七絃之十二徽二分亦為宮位。而案十三徽一分者。十三徽一分亦變宮之位。應五絃角聲也。故同一案彈內散扣外。而此之相和有不可以倍聲例者。蓋相生之聲之相和者也。以上乃下準之各徽分。得各絃散聲之大要。若中準上準之徽分與下準之徽分同。亦得各絃相和之聲焉。如案一絃中準五徽之三十分。上準二徽之十八分。六絃中準五徽之十八分。上準二徽之九分。俱應四絃散聲之七十二分。蓋然亦有兩絃俱散扣而相和者。間四絃者。本絃之聲得倍半而相和一絃為六絃之倍。二絃為七絃之倍是也。間兩絃者。乃相生之聲相和。如一絃徵生四絃商。二絃羽生五絃角。

是也。間一絃者，惟五絃角不與三絃宮相和，餘亦以相生之聲相和。如三絃宮生一絃徵，四絃商生二絃羽，是也。總而言之，各絃相應之聲，不出乎正聲倍聲與相生之聲三者之範圍，故並著其同異以明之。

旋宮轉調說

琴旨旋宮轉調說。上古聖人默會聲氣之原，製為旋宮轉調，五調相轉，循環不息。蓋一調有一調之體用也。如宮調以宮絃為體，衆絃為用。商調以商絃為體，衆絃為用。角徵羽調莫不皆然。唐人之紀琴以管色，合字定一絃，則四字定二絃，上字定三絃，尺字定四絃，工字定五絃，六字定六

絃五字定七絃乃管音之四字調四字調為正調而一凡不用琴之二變亦不用故以四字調之合字定一絃其餘聲字皆與各絃相合也後世因之以管律合絃音相和取聲而繫某絃慢某絃得某絃之聲轉為管律之某聲某字或絃有不繫慢者原為某律之某聲某字立羽位以起調以原得某絃轉為宮絃立宮位以立調則定為某調於是定為宮商角變徵徵羽變宮之七調自愚論之所謂旋宮轉調者以角絃易為宮絃其宮旋也角既為宮則宮轉為徵徵轉為商商轉為羽羽轉為角五聲轉則調亦轉矣調之相轉由於聲之相轉而聲之轉必以相生之聲而相轉

以相生之聲相轉則旋宮之義見矣。蓋五音之相生始於宮而終於角。始於宮故無生宮之聲而無聲相轉以爲宮。終於角角不能生正聲而生變聲。變聲又無散聲相應故無相轉之聲。惟於角聲所值之絃緊一音而即爲宮聲。一音者乃角至清角之一音在絃度只得半分即宮至變宮徵至變徵之理此之謂旋宮也。角不能生宮既緊一音而旋爲宮則宮生徵而轉徵徵生商而轉商商生羽而轉羽羽生角而轉角也。五聲既以相生之聲相轉則五調亦以相生之聲相轉也。此之謂旋宮轉調也。自註云以九徽十徽相較旋宮之理甚明。蓋九徽案聲惟角絃在九徽上之八徽半十徽案聲惟宮絃在十徽

下之十徽八分以角絃緊一音則八徽半之案聲移於九徽十徽之案聲移於十徽八分角絃易為宮絃也故謂旋宮聲之相轉亦易明也宮絃十徽八分之案聲移於十徽宮轉徵也羽絃九徽之案聲移於八徽半羽轉角也餘絃亦有相轉自然之理可知矣五聲既轉故為轉調。定相轉之五調必知某調以某絃為體而旋宮始有所施由是言之琴其以三絃為體矣乎就宮調而論三絃本為宮聲而宮調以三絃為宮則三絃為體也明矣若次第相轉為徵商羽角之調三絃俱次第相轉得徵商羽角之聲是宮調以三絃為宮以立體則徵商羽角調亦即以三絃為徵

商羽角以立體矣。琴雖有七絃而窮乎律呂之貫通五絃已備。故三絃居中為體。一絃二絃與四絃五絃則分兩側為用。自註云。如宮調三絃為宮聲。居中為體。一絃二絃為徵羽。四絃五絃為商角。分兩側為用。商調則三絃為商聲。居中為體。一絃二絃為羽宮。四絃五絃為角徵。分兩側為用。角調則三絃為角聲。居中為體。一絃二絃為宮商。四絃五絃為徵羽。分兩側為用。徵調則三絃為徵聲。居中為體。一絃二絃為商角。四絃五絃為羽宮。分兩側為用。羽調則三絃為羽聲。居中為體。一絃二絃為角徵。四絃五絃為宮商。分兩側為用。至於六絃七絃乃一絃二絃之清聲。

為樂曲始終之節奏。而聲調體用之理實則止於五。所以
舜有五絃琴也。大凡諸調不拘某絃。但案在十徽八分而
與他絃散聲應者為宮絃。案在八徽半而與他絃散聲應
者為角絃。其在宮調一絃六絃為徵。二絃七絃為羽。三絃
為宮。四絃為商。五絃為角。蓋三絃於十徽八分應。五絃散
聲是三絃為宮。五絃於八徽半應。三絃散聲是五絃為角。
因三絃立宮位以主調。故為宮調。其在徵調以宮調之角
聲五絃繫一音旋為宮聲。即瑟則一絃六絃徵俱轉為商。
二絃七絃羽俱轉為角。三絃宮轉為徵。四絃商轉為羽。蓋
五絃於十徽八分應。二絃七絃散聲是五絃為宮。二絃七

絃於八徽半應五絃散聲是二絃七絃為角因宮調之三
絃宮轉為徵而三絃立徵位以主調故曰徵調其在商調
以徵調之角聲二絃七絃俱緊一音旋為宮聲即緊二絃
七絃一音
之太義調則一絃六絃商俱轉為羽三絃徵轉為商四絃羽轉
為角五絃宮轉為徵蓋二絃七絃於十徽八分應四絃散
聲是二絃七絃為宮四絃於八徽半應二絃七絃散聲是
四絃為角因徵調之三絃徵轉為商而三絃立商位以主
調故為商調其在羽調以商調之角聲四絃緊一音旋為
宮聲即慢一絃六絃
一音之慢宮調則一絃六絃羽俱轉為角二絃七絃
宮俱轉為徵三絃商轉為羽五絃徵轉為商蓋四絃於十

徽八分應一絃六絃散聲是四絃為宮一絃六絃於八徽
半應四絃散聲是一絃六絃為角因商調之三絃商轉為
羽而三絃立羽位以主調故為羽調其在角調以羽調之
角聲一絃六絃俱緊一音旋為宮聲即慢三絃一則二絃
音之慢角調七絃徵俱轉為商三絃羽轉為角四絃宮轉為徵五絃商
轉為羽蓋一絃六絃於十徽八分應三絃散聲一絃六絃
為宮三絃於八徽半應一絃六絃散聲是三絃為角因羽
調之三絃羽轉為角而三絃立角位以主調故為角調若
欲仍定為宮調以角調之角聲三絃緊一音旋為宮聲角
調
自宮調次第相轉各絃俱緊惟三絃未緊
今三絃未緊則七絃俱緊而仍為宮調矣則一絃六絃宮

俱轉為徵。二絃七絃商俱轉為羽。四絃徵轉為商。五絃羽轉為角。是三絃仍於十徽八分應五絃散聲。而三絃為宮矣。五絃仍於八徽半應三絃散聲。而五絃為角矣。因角調之三絃角緊一音旋為宮。而三絃仍立宮位以主調。故復轉為宮調。此旋宮轉調至當不易之理也。

銘按朱子琴律說可謂詳矣。迨王素堂琴旨出而朱子所未逮者復能析其微而窮其奧。如倍徵倍羽必宗管子而後三絃之獨下一徽五絃之獨上半徽皆可得其所以然之故。此誠識超千古不獨為朱子之功臣已也。然既知一絃倍徵二絃倍羽三絃為宮而不明言工尺

等字色。某字為宮。某字為倍徵。倍羽。第泛言唐人之
紀琴。以管色合字定一絃。後世因之。考唐宋燕樂皆以
合字為宮。尺為徵。工為羽。元明亦然。今素堂別無異議。
則必沿唐宋之舊。而所謂一絃倍徵。二絃倍羽者。乃尺
字工字也。三絃為宮者。乃合字也。又謂徵調即蕤賓調。
商調即太簇調。非皆與唐宋同乎。是琴旨一書。論宮徵
之位。固極其精。而審宮徵之音。未極其確。恐倍聲仍無
異於正聲。而與管_子之言未能盡合矣。銘有定宮片議見
後。

琴圖

琴絃下準五聲二變之位 上準中準做此

一絃	二絃	三絃	四絃	五絃	六絃	七絃
徵	徵變	羽	宮	商	角	徵
八	角	徵變	羽	宮	商	徵
九	商	角	徵	羽	商	角
十	宮	商	徵	羽	宮	商
十一	變	角	徵	變	變	宮
十二	宮	商	角	徵	羽	變
十三	羽	變	商	角	變	正
下徵	下羽	正宮	正商	正角	正徵	正羽

琴絃旋宮轉調圖

角轉為宮 宮轉為徵 徵轉為商 商轉為羽 羽轉為角 角復轉為宮

一絃	二絃	三絃	四絃	五絃	六絃	七絃
徵	羽	宮調	商	角	徵	羽
宮	商	角調	徵	羽	宮	商
角	徵	羽調	宮	商	角	徵
羽	宮	商調	角	徵	羽	宮
商	角	徵調	羽	宮	商	角
徵	羽	宮調	商	角	徵	羽

文廟樂章

此樂黃屬合太為四仲為上林為尺南為工多與宋譜同而不用一凡又與南曲同蓋襲舊譜為更精矣

迎神咸平之章

大太哉工南至尺林聖上仲道四太德上仲尊尺林崇上仲維工南持尺林王上仲
化四太斯尺林民上仲是合黃宗四太典合黃祀四太有上仲常尺林精工南純尺林
並四太隆上仲神合黃其工南來尺林格上仲於尺林昭上仲聖合黃容四太

初獻宣平之章

自四太生上仲民尺林來上仲誰四太底合黃其上仲盛四太惟工南師尺林神上仲
明四太度合黃越上仲前上仲聖四太案上仲帛四太具上仲成尺林禮合黃容四太
斯尺林稱上仲泰四太稷工南非合黃馨尺林惟工南神尺林之上仲聽四太

亞獻安平之章

大四哉上仲聖合黃師四太實南天尺林生上仲德四太作上仲樂四太以上仲

崇尺林時上仲事四太無尺林數上仲清六黃酤上南惟上仲馨上仲嘉尺林牲上仲

孔合黃碩四太薦四太修上南神六黃明尺林庶上南幾尺林昭上仲格四太

三獻景平之章

百上仲王上南宗尺林師上仲生尺林民上仲物四太軌合黃瞻六黃之上南洋尺林

洋上仲神尺林其上仲寧四太止合黃酌四太彼合黃金尺林罍上仲惟上南清尺林

且四太旨上仲登上仲獻四太惟尺林三上仲於六黃嘻上南成尺林禮上仲

徹饌咸平之章

犧上仲象四太在上仲前尺林豆四太遷上仲在合黃列四太以四太享上南以尺林

薦^{上仲}既^{上仲}芬^{尺林}既^{四太}潔^{上仲}禮^{合黃}成^{四太}神^{上仲}備^{四太}人^{工南}和^{尺林}
神^{上仲}悅^{四太}祭^{合黃}則^{四太}受^{上仲}福^{尺林}率^{合黃}遵^{工南}無^{尺林}越^{上仲}

送神^{咸平之章}


有^{四太}嚴^{工南}學^{尺林}宮^{上仲}四^{合黃}方^{四太}來^{上仲}崇^{四太}恪^{六黃}恭^{工南}祀^{尺林}
事^{上仲}威^{工南}儀^{尺林}雖^{上仲}雖^{四太}歆^{上仲}茲^{尺林}惟^{工南}馨^{尺林}神^{上仲}馭^{四太}
還^{尺林}復^{上仲}明^{六黃}禮^{工南}斯^{尺林}畢^{上仲}咸^{工南}膺^{尺林}百^{上仲}福^{四太}

定宮片議附

東陽葛銘鑒堂

橫笛圖一舉橫笛以例其餘此圖黃鐘居首即以黃鐘為宮

橫笛



凡工尺上一四五六
變羽徵變角商宮

馬氏端臨文獻通考唐之七星管古之長笛也長笛始於漢邱仲唐人謂之尺八今謂之簫短長應律呂之度其狀如簾七竅橫以吹之旁一竅幘以竹膜而為助聲唐劉係所作也

應氏撫謙古樂書今之簫古之邃篳也以孔遠近分音清濁按律翕氣八十一分為黃鐘宮又上七十二分為太簇商次上六十四分為姑洗角次上五十四分為林鐘徵下五十六分為蕤賓變徵次上四十八分為南呂羽四十二分為應鐘變宮此依古法九分為寸推之也其吹法唇仰急吹則聲清唇俯緩吹則聲濁李文察謂仰而急者本律半聲也

銘按橫笛具黃鐘之七均論者以合四為正宮正商六五為清宮清商此說歷代相沿承訛已久茲姑先繪為圖所以存舊法也其實正宮當在上字之位而合四乃

徵羽之倍聲六五乃徵羽之正聲其義詳後第三圖

橫笛圖二 此圖黃鐘居首又以蕤賓為宮

笛橫

口

竹

應 南 林 蕤 姑 太 黃

凡 工 尺 上 一 四 五 合 六

徵 變 角 商 宮 變 羽 徵

銘按此圖黃鐘居首本以上凡為二變而旋宮之時或以蕤賓為宮則上凡適居一凡之位似與南曲之正調不用一凡者同然其為宮者乃變徵蕤賓之律而借一之角聲為變宮借凡之變宮為變徵皆旋宮之借調實

非南曲之正調也

橫笛圖三

前二圖黃鐘居首乃唐宋之舊法此圖黃鐘居中乃管子之道法即南曲之正

調也

蕤姑太黃應倍南倍林倍

橫笛

山口

竹股

凡工尺上一四五六
徵變角商宮雙羽徵

倍林鐘之律為數百有八正數五十四倍南呂之律為數九十六正數四十八倍應鐘之律為數八十四正數四十二黃鐘之律為數八十一太簇之律為數七十二姑洗之律為數六十四蕤賓之律為數五十七此黃鐘為宮之笛

也推而演之可得十二笛

銘按自漢魏以來古樂之亡久矣然今樂猶存古樂之遺法即以橫笛論凡七孔者具七均也黃鐘之七均則黃太姑蕤林南應也其七音則上即宮尺即商工即角六即徵五即羽也宮商角徵羽配喉齒牙舌唇而唇音尤易辨北朝蘇祇婆以五聲為羽聲蓋唇音惟此聲也唇音定則五音俱定矣一即變宮凡即變徵也今之南曲不用一凡即古樂之不用二變也當考宋史燕樂書以合為宮四為商一為角尺為徵工為羽上為變徵凡為變宮今所定橫笛之律雖與宋史異而稽諸秦漢以前之古籍其相合者有三一曰管子一曰楚辭一曰戰國

策管子之論五聲以徵羽宮商角為次其徵羽皆用倍數故有下徵下羽之名而宮得居其中今笛以急吹之六五為徵羽之正聲緩吹之合四為徵羽之倍聲自徵羽以至商角而宮亦居其中則與管子徵羽宮商角之序合矣楚辭云四上競氣極聲變只楚辭首言四次即言上則在四上之間者必為不用之變聲今笛除邊孔為合為下徵外第一孔為四為下羽即楚辭之所謂四也第二孔為一為變宮即楚辭不用之變聲也第三孔為上為正宮即楚辭之所謂上也蓋又與楚辭四上聲變之說合矣戰國策云高漸離擊筑荊軻和而歌為變

徵之聲謂變徵之聲最高也今笛最上一孔為凡為變

徵其聲較諸孔為最高

若據宋史則凡為變宮而上為變徵其聲不高

則又與

國策變徵之說合矣且最高者既為變徵則變聲之在

四上間者其為變宮疑

無

矣二變定而正宮正商正角

正徵正羽俱依次而定然則今笛之律其即古笛之遺

法歟若夫笛孔之猶七也則又皆可為宮皆可起調今

樂工度曲以四字調為準

即楚辭首言四之義

故四字起四為正

宮調而一凡不用此以黃鐘為宮也一字起四為一字

調而工五不用

其孔為宮工五其音仍為一凡後皆倣此

此以應鐘為宮也

上字起四為上字調而凡六不用此以南呂為宮也至

於尺字調不用上凡。則以林鐘為宮。工字調不用工一。則以蕤賓為宮。凡字調不用五尺。則以姑洗為宮。合字調不用六上。則以太簇為宮。其又即古人旋宮之法歟。又按第一圖。宮居五聲之首。而位得其偏。第三圖。宮居五聲之中。而位得其正。第二圖。則介乎偏正之間。乃舊法旋宮之位。似正而非正者也。故南曲必以黃鐘居中者為正調。蓋七調中。惟正調尤能諧聲協律。用之無不咸宜。謂非獨得聲律自然之妙。而為天籟地籟人籟之本然者乎。其徵羽之必有倍律者。義起於上下相生之法。淮南言宮下生徵。商下生羽。管子言宮上生徵。商上

生羽二說不同而律呂正義暨王氏坦琴旨則兼採管子之說蓋宮可下生亦可上生合下生上生以參觀而商角之得數皆同商皆七十二徵羽之得數獨異者下生五十四羽四十八上生者故惟徵羽有正律又有倍律倍徵百有八倍羽九十六如七絃之琴不用二變則可備七聲一倍徵二倍羽三宮四商五角六徵七羽也若七均之笛兼列二變則以五聲兼七聲之用蓋正律之數已涵於倍律之中故六五之聲亦涵於合四之內也惟徵羽有倍律而後宮得居其中惟宮得居其中而後勢不倚於一偏可以左右旋宮而高下不至懸絕也惜乎古今論聲律者宗淮南而不宗管子自漢魏以迄元明二千餘年皆不知宮聲之前更有倍律則勢必以黃鐘居首故古

今猶是笛也。而唐譜以工為宮。宋譜以合為宮。學士大夫之論笛。從未有以上為宮者。即或知南曲之正調以上為宮。從未有知南曲正調之宮聲。即古樂之宮聲者。茲故作橫笛第三圖以表之。雖未知南曲之起於何時。而流播民間。淵源最遠。直可決其為三代之遺聲者。則以不用一凡故也。蓋不用一凡。即是以上為宮。以上為宮。即是遵管子之法。而不以黃鐘居首。黃者。中央之色。古人以黃名鐘。已寓居中之義。此義明而古樂之聲律。乃有定論矣。抑又聞之。月令於仲冬之月。僅言律中黃鐘。而不言黃鐘之宮。惟於中央土。言律中黃鐘之宮。四時之律。皆以氣應。中央之律。兼以聲應。明乎

黃鐘之宮必居春角夏徵秋商冬羽之中者實為天地自然之氣自然之聲也其義不更可與管子相發明也哉

倍徵倍羽

管子凡將起五音凡首謂音之先也先主一而三之主一者以三有八者為一也三之者四開以合九九以四開者四分也之數四分之每分以是生黃鐘小素之首以成宮小素者為九九八十一也以是生黃鐘小素之首以成宮小素者素之始也以黃鐘之宮數八十一者為小三分而益之以一素之首則倍徵倍羽為大素可知矣三分而益之以一為百有八為徵倍徵也朱子曰百有三分而去其乘去其乘者損一也適足以是生商商七有三分而復於其所者益其一也

也。以是成羽。倍羽也。朱子曰。九十有三分而去其乘。適足。

以是成角。角六十四

銘按宮之生徵。商之生羽。淮南史記主三分損一者。徵羽之本數也。管子主三分益一者。徵羽之倍数也。然或損或益。惟徵羽之數不同。而商角之數則仍同。故管子言適足。以是生商。適足。以是成角。

管子凡聽徵。如負猪豕。覺而駭。凡聽羽。如鳴鳥在野。凡聽宮。如牛鳴窳中。凡聽商。如離羣羊。凡聽角。如雉登木以鳴。音疾以清。

管子施七尺。施者大尺之名。八尺曰仞。七尺曰施。五施三十五尺。而至於泉。

以掘地及泉呼音中角四施二十八尺而至於泉呼音中商
三施二十一尺而至於泉呼音中宮再施十有四尺而至於泉呼音中羽一施七尺而至於泉呼音中徵

銘按宮商角徵羽之名見於爾雅周官樂記皆自宮至羽以清濁為次言其序尚未言其位也惟管子言凡聽徵凡聽羽凡聽宮凡聽商凡聽角以徵羽宮商角為次而宮乃位乎中首徵羽者倍徵倍羽也亦清濁之次也管子又言施七尺五施至泉呼音中角四施至泉呼音中商三施至泉呼音中宮再施至泉呼音中羽一施至泉呼音中徵其次自下逆數而上若自上順數而下則

亦徵羽宮商角之次也。管子之首徵羽者同也。夫管子掘地及泉以求地籟而宮音實居徵羽與商角之中。乃知宮音之先必有倍徵倍羽者。實為天地自然之聲氣。而非人力所能增減也。管子去古最近。其言必有自來矣。

又按以河圖配五聲。則南北為徵羽。西東為商角。是宮居四方之中也。管子又以及泉聽五聲。則上半為徵羽。下半為商角。是宮居上下之中也。合上下四方以求其中。則宮音之居中者信矣。但管子所謂中徵中羽者。亦中倍徵倍羽耳。若六施至泉。七施至泉。疑更有中正徵

正羽之音者。蓋既以七尺之施立法。則七施者。七七之全數也。

又按倍徵倍羽。即下徵下羽也。

下徵下羽。猶國語所謂上宮下宮也。

自宮

商變名工尺。而下徵下羽。存其名而亡其實也。久矣。琴道云。下徵七絃。總會樞極。宋太宗琵琶制云。大絃為宮。是正聲。或為下徵。或為下羽。此其名之見於絲樂者也。馬氏融長笛賦云。反商下徵。每各異善。蔡氏邕黃鐘之笛。下徵調法云。林為宮。南為羽。此其名之見於竹樂者也。然皆以合字為宮。則其名雖為下徵下羽。而其實仍為正徵正羽。故惟管子倍徵倍羽之數。乃為聲律家千

古不刊之論云

七音

國語伶州鳩曰昔武王伐紂於是乎有七律

左傳昭二十晏子曰為五聲六律七音八風九歌以相成也疏五聲以外加變宮變徵為七音也

左傳昭二十五子太叔曰為九歌八風七音六律以奉五聲

銘按七音與七律異國語所謂七律者是五聲之外加變宮變徵二律也左傳所謂七音者是五聲之內加倍徵倍羽二音也蓋倍徵與正徵同一律而合與六之音

則迥異。倍羽與正羽同一律。而四與五之音亦迥異。故二律共得四音。宮商二律。緩吹為上。為尺。即正宮正商也。急吹為伋。為尺。即少宮少商也。二少各依本聲。仍無甚異。故二律只得二音。角律單吹為工。而無少角。故一律亦只一音。是五聲之為律者五。而為音者七。此左傳之所以言七音也。疏謂五聲以外。加變宮變徵為七音。誤矣。夫五聲準乎五行。無可減。亦無可增。何得復有倍徵倍羽。不知徵屬火。為陽。而倍徵尤為陽宗。羽屬水。為陰。而倍羽尤為陰宗。五聲之冠。以徵羽二倍。猶五行之統。以陰陽二氣也。或曰。七音加二變。則當為九音。然二

變究非正律故左傳論所以奉五聲者惟以七音為斷
蓋既有七音則可以徵羽宮商角為序亦可以宮商角
徵羽為序但據南曲以合四上尺工為正聲六五為清
聲則首徵羽者優矣觀於此而管子之言益信

又按古今同一笛也今人聽之為上尺工六五之聲則
古人聽之亦必為上尺工六五之聲何以古人有宮商
角徵羽之目此必古人讀宮為上商為尺角為工徵為
六羽為五今惟羽五同音蓋緣讀五聲者之口音各異非緣聽
五聲者之耳竅有殊也譬如五方鄉語處處不同而其
審聽笛音仍處處無異不可見天下之耳同即古今之

耳同哉詩鄘風采唐篇云期我乎桑中

朱子曰叶諸良反

要我

乎上宮

叶居王反

送我乎淇之上

叶辰羊反

矣宮與上相叶為韻

此亦古人讀宮為上之一證也若夫倍徵倍羽二音本

與徵羽有別

五合四乃徵羽也

六非徵羽也

古人因其與徵羽同律故

概以徵羽名之以見七音之仍統於五聲耳古人讀倍

徵倍羽為合四周末已然據楚辭既言四上則必兼有

合四上尺工六五之七音可知矣

又按工尺等管色未嘗無義可推古管前孔五後孔一

并出音孔為七合取五孔合閉之義若前孔有六則六

孔合閉矣故合又為六四取閉四之義若前孔有六則

閉五矣。故四又為五一。取開三閉三為一色之義。至於

勾轉後位。則勾字之義也。

宋譜又
有勾字

若直上不勾。則上字

之義也。為七音之凡首。則凡字之義也。惟工尺之義未

詳。銘友吳氏振均

字鵬羽
邑人

補之云。工為角聲。角律準吹

調樂易工也。尺為商聲。其數八寸。周以八寸為尺也。上
為宮聲。尊無二上也。銘按吳氏之說。可謂巧甚。雖然。古
人之定管色。惟合字勾字。或取其義而換其音。其餘只
取聲音之相近。與點畫之最稀者。以為識別。未必更有
他義也。若必深求其義。則鑿矣。

附錄吳氏振均題聲律定宮後云。盈天地間萬物聲色

二字盡之矣。色莫著於星象，聲莫著於音樂，二者皆不離乎五行。象有五，土居中有太陽太陰以統之，聲有五，宮居中有倍徵倍羽以先之，倍徵者倍火之數，猶日為陽之宗，火之精也；倍羽者倍水之數，猶月為陰之宗，水之精也。七音不宛與七政符乎？銘按吳氏此說，比例尤為切合。

二變

陳氏樂書漢蔡邕推旋相為宮之法，制十二律笛，其法可謂詳矣。然未能刪去二變，尚未為盡善也。

銘按古人之用二變者，惟武王羽厲宣羸四樂外，此無

聞焉。觀琴絃有二變之位而不用其聲。則橫笛之二變亦當存其位而不設其孔。此晉荀勗所以作蕤賓伏孔笛也。蓋欲設孔。惟後面為宜。然亦不便於旋宮之用。或如今俗排勻七孔。則二變又與五聲無別矣。陳氏樂書屢欲存五聲而去二變。不可謂無卓見也。

無商調徵調

周禮大司樂凡樂。圜鍾為宮。黃鍾為角。太簇為徵。姑洗為羽。于地上之圜。邱奏之。函鍾為宮。太簇為角。姑洗為徵。南呂為羽。于澤中之方。邱奏之。黃鍾為宮。大呂為角。太簇為徵。應鍾為羽。于宗廟之中奏之。義疏但云為宮為角為徵。

為羽者所以明商調之不用也

按周禮變宮變徵亦不入調

宋史燕樂書黃鐘用合字大呂太簇用四字夾鐘姑洗用一字夷則南呂用工字無射應鐘用凡字其仲呂用上字蕤賓用勾字林鐘用尺字燕樂以夾鐘收四聲曰宮曰商曰羽曰閏凡字即變宮字閏為角其正角聲變徵聲徵聲皆不收宮聲七調皆生於黃鐘商聲七調皆生於太簇羽聲七調皆生於南呂角聲七調皆生於應鐘此其四聲二十八調之畧也

語錄問本朝無徵音朱子曰從來無那徵不獨徵無角亦無然只是無徵調角調不是無徵音角音不知有箇甚麼

欠缺處做那徵不成

銘按周禮既無商調而宋樂又無徵調角調諸說紛紛久無確解矣竊考宋樂所收之四聲乃管首合四二聲與管尾工凡二聲以其位相遠而聲易別也若中間一上尺三聲即隋書鄭譯所謂七聲之內三聲乖應者故宋樂皆不收以其位相近而聲易混也然以楚辭四上之說及管子倍徵倍羽之法求之則知古樂不用一凡觀楚辭不用一字即可知不用凡字而宮聲實在上字不可不收蓋上為正宮即周禮之宮聲也工為正角即周禮之角調也合為下徵四為下羽即周禮之徵調羽調也而一為變宮

居宮聲之後。尺為正商。居宮聲之前。大抵宮前宮後二聲位近而聲混。斷難入調。所以尊宮聲也。故周禮無商調。亦無變宮調。至於凡為變徵。則位較遠而聲亦不混。尚可自成一調。昔荆軻為變徵之聲。即變徵調也。宋樂凡為然變徵。究非正聲。故周禮又無變徵調。而僅用宮角聲。然變徵。羽四調。此即隋唐以來四聲之所由昉歟。夫以周禮之四調。例宋樂之四聲。名雖異而其實多同。如古樂以尺為商。而宋樂又以尺為徵。是周禮之無商調。非即宋樂之無徵調乎。古樂以一為變宮。而宋樂以一為正角。是周禮之無變宮調。非即宋樂之無正角調乎。推之

周禮之角調即宋樂之羽調。工周禮之徵調羽調即宋
樂之宮調商調。合字是七聲之內相同者五惟上凡二
聲去取互殊耳。宋樂以上為變徵與正徵只差後之論
周禮四調與宋樂四聲者可由是而得其異同之大概
云。

奉題聲律定宮

即介六十誕辰

鄭清如 崧洲

歲在壬子四月吉先生弧旦慶六秩霓裳雅奏來衆
仙一曲南薰正應律我歌先生多智珠放眼古今頻
著書聞所未聞見未見奧義眩目徒歎吁惟於律呂
每承教窺得一斑見全豹自漢歷今二千年律家大
夢一大覺粵稽管子起音篇去古未遠真未湮不知
徵羽有倍者一誤淮南再誤遷從此考律愈乖古縱
黍橫黍復斜黍縱教燕樂衍新書不得驪珠終冗語
先生神解知宮聲一洗塵耳如雷鳴倍徵倍羽宗管
子以上為宮始定評雄六雌六迭吹竅周無商調來

徵調古竹今竹音豈殊同曲異名貽竹笑黃鐘一定
天籟通窗灑蕉雨亭松風橫笛三圖契元妙今樂復
與古樂同官位居中五行秩陽宗陰宗歸倍律七音
成曲倍律先五緯經天統日月吁嗟乎先生弱冠守
青糴忝列門牆幾十年或對圖書究理數或談風月
窺星躔或纂靈素疏草木或稽勾股窮方員更有慧
心證獨得九萬坤輿尺圖測諸如此者曷勝言言者
不知知者默我言所知推不知以律例之他可識先
生年今六十春成書四部先金聲謂河洛正宗乾象
索編寰瀛山水畧
并此我願天假先生百歲壽種種書成振玉奏

又

錢 璦 蘇門

中庭地潤栽雙桐綠葉遠布簷牙紅空堦夜靜月出
皎冷：一曲來天風先生側耳手書坐自謂吾說良
不左校定管色上為宮倍徵居首宮當中古樂聲亡
二千載獨據管子知黃鐘安得此書上獻

聖天子大奏

明堂歎觀止